

## Մաքսերի և առևտու 1994թ. գլխավոր համաձայնագրի XXVIII Հոդվածի մեկնաբանության մասին փոխհամաձայնություն

Սույնով Անդամները համաձայնում են հետևյալի մասին.

1. Զիջման փոփոխման կամ հանման նպատակներով, այն Անդամը, որն ունի զիջման ազդեցությանը ենթակա արտահանումների (այսինքն՝ զիջումը փոփոխող կամ հանող Անդամի շուկա արտադրանքի արտահանումների) ամենաբարձր հարաբերակցությունն իր ամբողջ արտահանման նկատմամբ, համարվում է մատակարարության հիմնական շահագրգություն ունեցող, եթե այն արդեն առաջնային բանակցային իրավունք կամ մատակարարության հիմնական շահագրգություն չունի համաձայն XXVIII Հոդվածի 1-ին կետի: Այնուամենայնիվ, համաձայնեցված է, որ ԱՀԿ համաձայնագրին ուժի մեջ մտնելուց հինգ տարի հետո Ապրանքների առևտու խորհուրդը վերաբերելու է սույն կետը՝ նպատակ ունենալով որոշել բավարար էր արդյոք այս չափանիշի գործողությունը փոքր և միջին չափի արտահանող Անդամների օգտին բանակցային իրավունքների վերաբաշխումը երաշխավորելու համար: Եթե դա այդպես չէ, ապա կդիտարկվեն բարելավումների հնարավորություններ՝ ներառյալ չափանիշ ընդունելը՝ ելնելով զիջման ազդեցությանը ենթակա արտահանումների և բոլոր շուկաներ խնդրո առարկա արտադրանքի արտահանումների հարաբերակցությունից՝ հաշվի առնելով համապատասխան տեղեկությունների մատչելիությունը:
2. Եթե Անդամը համարում է, որ ինքը մատակարարության հիմնական շահագրգություն ունի 1-ին կետի առումով, ապա նա պետք է իր հայցը՝ օժանդակ ապացույցների հետ միասին գրավոր կերպով հաղորդի այն Անդամին, որն առաջարկել է փոփոխել կամ հանել զիջումը, և միաժամանակ տեղեկացնի Քարտուղարությանը: Այդ դեպքերում կիրառվում է 1980թ. նոյեմբերի 10-ին ընդունված «XXVIII Հոդվածի համաձայն վարվող բանակցությունների ընթացակարգերի» (BISD 27S/26-28) 4-րդ կետը:
3. Որոշելու համար, թե որ Անդամներն ունեն մատակարարության հիմնական շահագրգություն (համաձայն վերոհիշյալ 1-ին կետի կամ թե XXVIII Հոդվածի կետ 1-ի) կամ էական շահագրգություն, հաշվի է առնվուն միայն ազդեցության ենթակա արտադրանքի ԱԱԲ հիմունքով կատարված առևտուրը: Այնուամենայնիվ, ազդեցության ենթակա արտադրանքի առևտուրը, որը կատարվել է համաձայն ոչ պայմանագրային արտոնությունների, նույնպես հաշվի է առնվում, եթե խնդրո առարկա առևտուրը դադարել է օգտվել այդ արտոնյալ մոտեցումից զիջումի փոփոխման կամ հանման համար տարվող բանակցության ժամանակ՝ այդպիսով դառնալով ԱԱԲ հիմունքով առևտուր, կամ կդադարի այդ բանակցության եզրափակմանը:
4. Եթե մաքսային զիջումը փոփոխվում կամ հանվում է նոր արտադրանքի համար (այսինքն՝ մի արտադրանքի, որի համար երեք տարվա վիճակագրությունն առկա չէ), ապա համարվում է, որ այն Անդամը, որն առաջնային բանակցային իրավունք ունի այն մաքսային հոդվածի մասով, որով արտադրանքը դասակարգվում է կամ սկզբնապես դասակարգվել էր, առաջնային բանակցային իրավունք ունի տվյալ զիջման մասով: Մատակարարության հիմնական կամ էական շահագրգությունը որոշելու և փոխհատուցումը հաշվարկելու համար այլոց թվում հաշվի են առնվում արտահանող Անդամ-երկրուն ազդեցության ենթակա արտադրանքի մասով արտադրական կարողությունն ու ներդրումները և արտահանման աճի գնահատականները, ինչպես նաև ներմուծող Անդամ-երկրուն արտադրանքի պահանջարկի կամխատեսումները: Սույն կետի նպատակներով հասկացվում է, որ «նոր արտադրանքը» ներառում է մաքսային հոդված, որը ստեղծվել է գոյություն ունեցող մաքսային հոդվածից անջատվելու միջոցով:
5. Եթե Անդամը համարում է, որ ինքը մատակարարության հիմնական կամ էական շահագրգություն ունի 4-րդ կետի առումով, ապա նա իր հայցը օժանդակ փաստարկների հետ միասին գրավոր կերպով հաղորդում է այն Անդամին, որն առաջարկել է փոփոխել կամ հանել զիջումը, և միաժամանակ տեղեկացնում է Քարտուղարությանը: Այդ դեպքերում կիրառվում է վերը նշված «XXVIII Հոդվածի համաձայն վարվող բանակցությունների ընթացակարգերի» 4-րդ կետը:
6. Եթե անսահմանափակ մաքսային զիջումը փոխարինվում է սակագնային քվոտայով, ապա տրամադրվող փոխհատուցման չափը պետք է գերազանցի զիջման փոփոխումից փաստացիորեն ազդեցություն կրած առևտուի չափը: Փոխհատուցման հաշվարկի համար հիմք ախտը է լինի այն չափը, որով ապագա հեռանկարային առևտուրը գերազանցում է քվոտայի մակարդակը: Հասկացվում է, որ ապագա հեռանկարային առևտուի հաշվարկը պետք է հիմնված լինի հետևյալներից ավելի մեծի վրա՝
  - ա) ամենավերջին հատկանշական երեք տարի ժամանակահատվածի միջին տարեկան առևտուի մեծացված այդ նույն ժամանակահատվածում ներմուծումների միջին տարեկան աճի գործակցով կամ 10 տոկոսով, որը որ ավելի մեծ է, կամ

բ) ամենավերջին տարվա առևտուրի՝ մեծացված 10 տոկոսով:

Անդամի փոխհատուցման պարտքը ոչ մի դեպքում չի գերազանցում այն փոխհատուցումը, որին կհանգեցներ զիջման ամբողջական հանումը:

7. Ցանկացած Անդամի, որը փոփոխված կամ հանված զիջման մասով մատակարարման հիմնական շահագրգոռություն ունի համաձայն Վերոհիշյալ 1-ին կետի կամ թե համաձայն XXVIII Հոդվածի 1-ին կետի, փոխհատուցողական զիջումների մասով շնորհվում է առաջնային բանակցային իրավունք, եթե խնդրո առարկա Անդամները չեն համաձայնել փոխհատուցման այլ ձևի շուրջ: